

თელავის მუნიციპალიტეტის საკრებულოს

მორიგი სხდომის

ოქმი № 6

23 აპრილი 2018 წ.

ქ. თელავი

სხდომას ესწრებოდნენ: 2017 წლის ადგილობრივი თვითმმართველობის არჩევნების შედეგად, თელავის მუნიციპალიტეტის საკრებულოს წევრად არჩეული 27 დეპუტატი:

თავმჯდომარეობდა: თელავის მუნიციპალიტეტის საკრებულოს თავმჯდომარე არჩილი თხლაშიძე;

ესწრებოდნენ:

საკრებულოს სამანდატო, საპროცედურო და იურიდიულ საკითხთა კომისიის თავმჯდომარე

ნანა ხვისტანი

საკრებულოს ეკონომიკისა და ქონების მართვის საკითხთა კომისიის თავმჯდომარე

ალექსანდრე შათირიშვილი;

საკრებულოს სოციალური, კულტურის, განათლების და ახალგაზრდულ საქმეთა კომისიის თავმჯდომარე

ლევან კოჭლოშვილი;

საკრებულოს სივრცით-ტერიტორიული დაგეგმარების, ინფრასტრუქტურის და ბუნებრივი რესურსების კომისიის თავმჯდომარე

დავით ღალანძიძე;

საკრებულოს საფინანსო-საბიუჯეტო კომისიის თავმჯდომარე

დავით გოგოშვილი;

საკრებულოს ფრაქციის „ქართული ოცნება - დემოკრატიული საქართველო“ თავმჯდომარე

ლევან ლილუაშვილი

საკრებულოს ფრაქციის „ქართული ოცნება - მრეწველები“ თავმჯდომარე

ტიტე დარეჯანიშვილი

საკრებულოს ფრაქციის „ქართული ოცნება - კონსერვატორები“ თავმჯდომარე

მაია მარკოზაშვილი

საკრებულოს წევრები: ზაქარია გრიშკაშვილი, ალექსანდრე კუპატაძე, ლელა მენთეშაშვილი, არჩილი თვალიაშვილი, გიორგი ჩაბრაშვილი, იოსებ პარწიკანაშვილი, ვასილი არაბული, ლევან მრელაშვილი, ზაქარია ყარასაშვილი, გოჩა წაწალაშვილი, გიგა მამუკელაშვილი, უჩა ჭოტიაშვილი, გიორგი ქიზიყელაშვილი, ზურაბი ლილუაშვილი, ზურაბ მუსაევი, მიხეილ გრემელაშვილი, ბესიკ გაიპარაშვილი, ზურაბი ნაცარაშვილი (რეგისტრაციის ფურცელი თან ერთვის).

სხდომას აგრეთვე ესწრებოდნენ: თელავის მუნიციპალიტეტის მერის პირველი მოადგილე გიორგი თუშიშვილი, საფინანსო საბიუჯეტო სამსახურის უფროსი ნათია ვაყელიშვილი, ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსი მალხაზ ბაღუაშვილი, იურიდიული სამსახურის უფროსი ლევან ბერძენაშვილი, ეკონომიკური განვითარებისა და ქონების მართვის სამსახურის ქონების მართვის განყოფილების უფროსი სპეციალისტი ლალი მერაბიშვილი, საკრებულოს აპარატის მოქალაქეთა მომსახურების და საქმის წარმოების განყოფილების უფროსი - აპარატის უფროსის მ/შემსრულებელი ნინო ტაბიძე, საკრებულოს კომისიებში მოწვეული სპეციალისტები - ზ.ენუქიძე, დ.ნუსხელიძე, მ.ჩაფურიშვილი, საკრებულოს აპარატის თანამშრომლები.

ახალგაზრდა იურისტთა ასოციაციის თელავის ოფისის ხელმძღვანელი მ.მგალობლიშვილი. ა.ა.ი.პ. კახეთის „ქალთა კლუბი“-ს დირექტორი თ.ლამაზოშვილი.

საზოგადოების და მასობრივი საინფორმაციო საშუალებების წარმომადგენლები.

თავმჯდომარემ საკრებულოს წევრებს დასამტკიცებლად წარუდგინა

დღის წესრიგი:

1. თელავის მუნიციპალიტეტს საკრებულოს 2018 წლის 10 იანვრის №01 დადგენილებაში „თელავის მუნიციპალიტეტის 2018 წლის ბიუჯეტის დამტკიცების შესახებ“ ცვლილების შეტანის თაობაზე.

მომხს. ნ.ვაყელიშვილი
11.00სთ-დან - 11.20 სთ-მდე

2. საქართველოს კანონით „ნარჩენების მართვის კოდექსი“ გათვალისწინებულ შემთხვევებში ადმინისტრაციული სამართალდარღვევის საქმისწარმოების წესის დამტკიცების შესახებ.

მომხს. ლ.ბერძენაშვილი
11.20სთ-დან - 11.30 სთ-მდე

3. თელავის მუნიციპალიტეტის ტერიტორიაზე სახელმწიფო ან ადგილობრივი თვითმმართველი ერთეულის საკუთრებაში არსებულ მიწის ნაკვეთზე ან სხვა ქონებაზე გარე რეკლამის განთავსების ნებართვის შემოღებისა და ნებართვის მიღების წესის დამტკიცების შესახებ.

მომხს. მ.ბაღუაშვილი
11.30სთ-დან - 11.50 სთ-მდე

4. თელავის მუნიციპალიტეტის საკრებულოს 2017 წლის 18 აგვისტოს №24 დადგენილებაში „თელავის მუნიციპალიტეტის სოფელ იყალთოს ტერიტორიების გამოყენებისა და განაშენიანების რეგულირების წესების დამტკიცების შესახებ“.

მომხს.მ.ბაღუაშვილი

11.50სთ-დან - 12.00 სთ-მდე

5. თვითმმართველი თემი თელავის მუნიციპალიტეტის საკრებულოს 2017 წლის 19 ოქტომბრის №71 განკარგულებაში „თვითმმართველი თემი თელავის მუნიციპალიტეტის ტერიტორიაზე გათვალისწინებული 2018 წლის საპროექტო წინადადებების მოწონების შესახებ“ ცვლილების შეტანის თაობაზე.

მომხს. მ.ბაღუაშვილი

12.00სთ-დან - 12.10სთ-მდე

6. თელავის მუნიციპალიტეტის ოფიციალური ვებგვერდის დებულების დამტკიცების შესახებ.

მომხს. ნ.ხვისტანი

12.10სთ-დან - 12.20სთ-მდე

7. თელავის მუნიციპალიტეტის საკრებულოს თავმჯდომარის შვებულების შესახებ.

მომხს.ა.თხლაშიძე

12.20სთ-დან - 12.30სთ-მდე

8. „სხვადასხვა“

მომხს.ლ.ლილუაშვილი

12.30სთ-დან

ლ.მერაბიშვილმა საკრებულოს სხდომის დღის წესრიგში შესატანად წარმოადგინა „თელავის მუნიციპალიტეტის სოფელ ვარდისუბანში 240 კვ.მ. არასასოფლო-სამეურნეო დანიშნულების მიწის ნაკვეთის შეძენისას ნაკისრი საუქციონე პირობის ვადის გაგრძელების შესახებ“.

ზ.მუსაევმა, ლ.მენთეშაშვილმა და ზ.ნაცარაშვილმა მოითხოვეს დღის წესრიგით გათვალისწინებული საკითხების ამოწურვის შემდგომ განცხადებების გაკეთების უფლება.

ჩატარდა კენჭისყრა დღის წესრიგის დასამტკიცებლად. აღნიშნული ცვლილებების გათვალისწინებით დღის წესრიგის დამტკიცებას მხარი დაუჭირა საკრებულოს ყველა წევრმა.

1.მოისმინეს: თელავის მუნიციპალიტეტს საკრებულოს 2018 წლის 10 იანვრის №01 დადგენილებაში „თელავის მუნიციპალიტეტის 2018 წლის ბიუჯეტის დამტკიცების შესახებ“ ცვლილების შეტანის თაობაზე.

მომხს. ნ.ვაყელიშვილი

11.00სთ-დან - 11.20 სთ-მდე

ნ.ვაყელიშვილმა გააკეთა განმარტებები ბიუჯეტში შესატან ცვლილებებთან დაკავშირებით და უპასუხა საკრებულოს წევრების შეკითხვებს.

დაადგინეს: დამტკიცდეს წარმოდგენილი პროექტი (აღნიშნულ გადაწყვეტილებას მხარი დაუჭირა სხდომაზე დამსწრე საკრებულოს 23(ოცდასამი) წევრმა, კენჭისყრაში მონაწილეობა არ მიიღო - 04(ოთხი): ზ.ნაცარაშვილი, ა.კუპატაძე, ლ.მინაშვილი, ზ.არაშვილი.

2.მოისმინეს: საქართველოს კანონით „ნარჩენების მართვის კოდექსი“ გათვალისწინებულ შემთხვევებში ადმინისტრაციული სამართალდარღვევის საქმისწარმოების წესის დამტკიცების შესახებ.

მომხს. ლ.ბერძენაშვილი
11.20სთ-დან - 11.30 სთ-მდე

მომხსენებელმა პროექტის შესახებ განმარტებები გააკეთა და დეტალურად ისაუბრა იმ შემთხვევებზე, რომლებზეც გავრცელდება წარმოდგენილი წესით სანქციების შეფარდება.

მოქ.მ.მოსიაშვილმა დასვა კითხვა ნარჩენების სეპარირებასთან დაკავშირებით, რაზეც მომხსენებელმა აღნიშნა, რომ საქართველოს მასშტაბით მეორე მუნიციპალიტეტია თელავი, რომელმაც თავის დროზე დაიწყო ნარჩენების დახარისხება. აქედან გამომდინარე, მუნიციპალიტეტში პრაქტიკა დანერგილია და არ იქნება რაიმე სირთულეებთან დაკავშირებული აღნიშნული საკითხის მოწესრიგება.

დაადგინეს: დამტკიცდეს წარმოდგენილი პროექტი (აღნიშნულ გადაწყვეტილებას მხარი დაუჭირა სხდომაზე დამსწრე საკრებულოს 23(ოცდასამი) წევრმა, კენჭისყრაში მონაწილეობა არ მიიღო - 04(ოთხი): ზ.ნაცარაშვილი, ა.კუპატაძე, ლ.მენთეშაშვილი, ზ.გრიშკაშვილი.

3.მოისმინეს: თელავის მუნიციპალიტეტის ტერიტორიაზე სახელმწიფო ან ადგილობრივი თვითმმართველი ერთეულის საკუთრებაში არსებულ მიწის ნაკვეთზე ან სხვა ქონებაზე გარე რეკლამის განთავსების ნებართვის შემოღებისა და ნებართვის მიღების წესის დამტკიცების შესახებ.

მომხს. მ.ბაღუაშვილი
11.30სთ-დან - 11.50 სთ-მდე

აზრი გამოთქვას: ა.თხლაშიძემ აღნიშნა, რომ წარმოდგენილი პროექტის მე-6 მუხლის ჩანაწერი, „მუნიციპალიტეტის საავტომობილო გზების მიმდებარე სოფლებისათვის გარე რეკლამის საწყისი ფასია კვადრატული მეტრი - 30 ლარი“. უნდა შეიცვალოს უფრო სწორი ფორმულირებით: მე-6 მუხლის მეექვსე პუნქტის „გ“ ქვეპუნქტის ფორმულირება განსაზღვრეს შემდეგნაირად: „მუნიციპალიტეტის საავტომობილო გზების მიმდებარედ არსებულ ტერიტორიაზე ერთი კვადრატული მეტრი - 30 ლარი.“

დაადგინეს: დამტკიცდეს წარმოდგენილი პროექტი (აღნიშნულ გადაწყვეტილებას მხარი დაუჭირა სხდომაზე დამსწრე საკრებულოს 23(ოცდასამი) წევრმა, კენჭისყრაში მონაწილეობა არ მიიღო - 04(ოთხი): ზ.ნაცარაშვილი, ა.კუპატაძე, ლ.მენთეშაშვილი, ზ.გრიშკაშვილი.

4.მოისმინეს: თელავის მუნიციპალიტეტის საკრებულოს 2017 წლის 18 აგვისტოს №24 დადგენილებაში „თელავის მუნიციპალიტეტის სოფელ იყალთოს ტერიტორიების გამოყენებისა და განაშენიანების რეგულირების წესების დამტკიცების შესახებ“.

მომხს.მ.ბაღუაშვილი
11.50სთ-დან - 12.00სთ-მდე

დაადგინეს: დამტკიცდეს წარმოდგენილი პროექტი (აღნიშნულ გადაწყვეტილებას მხარი დაუჭირა სხდომაზე დამსწრე საკრებულოს 23(ოცდასამი) წევრმა, კენჭისყრაში მონაწილეობა არ მიიღო - 04(ოთხი): ზ.ნაცარაშვილი, ა.კუპატაძე, ლ.მენტეშაშვილი, ზ.გრიშკაშვილი.

5.მოისმინეს: თვითმმართველი თემი თელავის მუნიციპალიტეტის საკრებულოს 2017 წლის 19 ოქტომბრის №71 განკარგულებაში „თვითმმართველი თემი თელავის მუნიციპალიტეტის ტერიტორიაზე გათვალისწინებული 2018 წლის საპროექტო წინადადებების მოწონების შესახებ“ ცვლილების შეტანის თაობაზე.

მომხს. მ.ბაღუაშვილი
12.00სთ-დან - 12.10სთ-მდე

აზრი გამოთქვეს: ზ.ნაცარაშვილმა აღნიშნა, რომ სოფ.რუისპირისათვის განსაზღვრული თანხები არ უნდა იქნას გამოყენებული სხვა მიმართულებით, რადგან რუისპირში ბევრი რამ არის გასაკეთებელი. მან აღნიშნა, რომ წყლის საკითხი მოსაგვარებელია სოფელში და კარგი იქნება თუ საპროექტო წინადადებებში თანხა ამისათვის იქნება გათვალისწინებული.

ლ.მენტეშაშვილმა კი აღნიშნა, რომ სოფელ რუისპირში სპეციალურად ფერხდება ინფრასტრუქტურული პროექტები, რადგან მაჟორიტარი დეპუტატი არის ოპოზიციური პარტიიდან.

თელავის მუნიციპალიტეტის მერის მოადგილემ გ.თუშიშვილმა გააკეთა განმარტება, რომ სოფელ რუისპირში საჭიროა მთავარი მაგისტრალის ამოცვლა, რაც საკმაოდ დიდ თანხებთანაა დაკავშირებული. მან აღნიშნა, რომ მომავალ წელს მუნიციპალიტეტი გეგმავს რუისპირში მთავარი მაგისტრალის ამოცვლას და გზის საფარის მოასფალტებას.

აღნიშნულ საკითხთან დაკავშირებით გ.მამუკელაშვილმა აღნიშნა, რომ საპროექტო წინადადებები ჯერ უნდა იქნეს დამტკიცებული რეგიონალური ფონდის მიერ და იმ თემაზე აპელირება თითქოს წინასწარ, სოფელ რუისპირისათვის განკუთვნილი თანხა იხარჯება არასამართლიანია.

ა.შათირიშვილმა ისაუბრა განხორციელებულ პროექტებზე და იმ სიკეთეებზე, რომლებიც გაკეთდა სოფელ რუისპირისათვის, კერძოდ: გზის საფარის მოასფალტება, გარე განათების უზრუნველყოფა, მუსიკალური სკოლის რეაბილიტაცია, საბავშვო ბაღის რეაბილიტაცია, სანიაღვრე არხების რეაბილიტაცია და ა.შ..

ა.თხლაშიძემ აღნიშნა, რომ საკითხის პოლიტიკურ ჭრილში განხილვა არ არის მიზანშეწონილი, რადგან საპროექტო წინადადებები გავლილია შესაბამის კომისიებსა და ბიუროს მიერ და შენიშვნების არსებობის შემთხვევაში, შესაძლებელი იყო საკრებულოს სხდომამდე გამოეთქვათ მოსაზრებები დაინტერესებულ პირებს.

დაადგინეს: დამტკიცდეს წარმოდგენილი პროექტი (აღნიშნულ გადაწყვეტილებას მხარი დაუჭირა სხდომაზე დამსწრე საკრებულოს 23(ოცდასამი) წევრმა, წინააღმდეგი: 02(ორი): ლ.მენტეშაშვილი, ზ.გრიშკაშვილი. კენჭისყრაში მონაწილეობა არ მიიღო - ზ.ნაცარაშვილი, ა.კუპატაძე.

6.მოისმინეს: თელავის მუნიციპალიტეტის ოფიციალური ვებგვერდის დებულების დამტკიცების შესახებ.

მომხს. ნ.ხვისტანი

12.10სთ-დან -12.20სთ-მდე

აზრი გამოთქვას: მ.მაგლობლიშვილმა დასვა კითხვა ვებგვერდის სრულყოფილად მუშაობასთან დაკავშირებით, რაზეც მომხსენებელმა გააკეთა განმარტება, რომ ვებგვერდი სასაკრებულოს ნაწილში სრულყოფილად მუშაობს.

ა.მჭედლიშვილმა გამოთქვა მოსაზრება, რომ ვებგვერდის მუშაობაზე პასუხისმგებლობა მუნიციპალიტეტის მერიამ უნდა აიღოს და ერთის ნაცვლად, რამოდენიმე თანამშრომელი უნდა მუშაობდეს ამ მიმართულებით.

დაადგინეს: დამტკიცდეს წარმოდგენილი პროექტი (აღნიშნულ გადაწყვეტილებას მხარი დაუჭირა სხდომაზე დამსწრე საკრებულოს 23(ოცდასამი) წევრმა, კენჭისყრაში მონაწილეობა არ მიიღო - 04(ოთხი): ზ.ნაცარაშვილი, ა.კუპატაძე, ლ.მენტეშაშვილი, ზ.გრიშკაშვილი.

7.მოისმინეს: თელავის მუნიციპალიტეტის საკრებულოს თავმჯდომარის შვებულების შესახებ.

მომხს.ა.თხლაშიძე

12.20სთ-დან -12.30სთ-მდე

თავმჯდომარემ საკრებულოს წევრებს აცნობა 2018 წლის 24 აპრილიდან 04 მაისის ჩათვლით მისი შვებულებაში გასვლის შესახებ.

დაადგინეს: ცნობად იქნეს მიღებული თელავის მუნიციპალიტეტის საკრებულოს თავმჯდომარის ა.თხლაშიძის შვებულება 2018 წლის 24 აპრილიდან 04 მაისის ჩათვლით.

8.მოისმინეს: თელავის მუნიციპალიტეტის სოფელ ვარდისუბანში 240 კვ.მ. არასასოფლო-სამეურნეო დანიშნულების მიწის ნაკვეთის შეძენისას ნაკისრი საუქციონე პირობის ვადის გაგრძელების შესახებ.

მომხს. ლ.მერაბიშვილი

12.30სთ-დან- 12.40სთ-მდე

მომხსენებელმა აღნიშნა, რომ პროექტი წარმოდგენილი იყო საკრებულოში მარტის თვეში, შესაბამისი კომისიის მიერ შემუშავებული იქნა რეკომენდაცია, რომელიც გაითვალისწინა მერიამ და დაინტერესებულ პირს მოსთხოვა მშენებლობის პროექტის წარმოდგენა, ამ ეტაპზე პროექტი

წარმოდგენილია და შესაძლებელია, რომ მოხდეს სააუქციონო პირობის ვადის გაგრძელება.

დაადგინეს: დამტკიცდეს წარმოდგენილი პროექტი (აღნიშნულ გადაწყვეტილებას მხარი დაუჭირა სხდომაზე დამსწრე საკრებულოს 23(ოცდასამი) წევრმა, კენჭისყრაში მონაწილეობა არ მიიღო - 04(ოთხი): ზ.ნაცარაშვილი, ა.კუპატაძე, ლ.მენტეშაშვილი, ზ.გრიშკაშვილი.

9.მოისმინეს: „სხვადასხვა“

მომხს.ლ.ლილუაშვილი
12.40სთ-დან

ლ.ლილუაშვილმა წარმოადგინა ფრაქციის „ქართული ოცნება-დემოკრატიული საქართველო“ ინიციატივები:

1. ქ.თელავში, დასვენების პარკში „ნადიკვარი“ მდებარე ღია თეატრის გასახდელი ოთახების რეაბილიტაციის შესახებ.
2. თელავის მუნიციპალიტეტის სოფელ ყარაჯალას სასაფლაოს ტერიტორიაზე არსებული ხევის ნაპირსამაგრი სამუშაოების ჩატარების და გამბიონების მოწყობის შესახებ.
3. თელავის მუნიციპალიტეტის სოფელ ყარაჯალაში სანაგვე ურნების განთავსების შესახებ.
4. საქართველოს კანონის „რეკლამის შესახებ“ მე-4 მუხლის მოთხოვნის შესრულების შესახებ, რომელიც ეხება რეკლამის მიზნით ქართულენოვანი წარწერების გამოყენებას.
5. თელავის მუნიციპალიტეტის სოფელ თეთრწყლების ბაგა-ბაღის ეზოს ღობის რეაბილიტაციის შესახებ.

ლ.ლილუაშვილმა აღნიშნა, რომ დასვენების პარკი „ნადიკვარი“-ს ღია თეატრი მასპინძლობს უამრავ კულტურულ ღონისძიებებს და აუცილებელია განხორციელდეს გასახდელი ოთახების სარემონტო სამუშაოები.

მან საკრებულოს წევრებს გააცნო სოფელ ყარაჯალის მოსახლეობის მოთხოვნა, სასაფლაოსთან არსებული ხევის ნაპირსამაგრი სამუშაოების განხორციელების და სოფლის ტერიტორიაზე სანაგვე ურნების განთავსების შესახებ, ასევე სოფელ თეთრწყლების ბაგა-ბაღის ეზოს ღობის რეაბილიტაციის აუცილებლობის შესახებ.

ლ.ლილუაშვილმა ასევე ისაუბრა მერიის შესაბამისი სამსახურის მიერ, მუნიციპალიტეტის ტერიტორიაზე განთავსებულ რეკლამებზე, კონტროლის განხორციელების აუცილებლობაზე, რადგან არის შემთხვევები, როცა

რეკლამაზე წარწერა მხოლოდ უცხო ენაზე ან ქართული წარწერა შედარებით მცირე ზომისაა, ვიდრე უცხო ენაზე.

ლ.ლილუაშვილმა ასევე აცნობა საკრებულოს წევრებს მისი მოადგილის ბესიკ ქოჩიშვილის შვებულების შესახებ.

დაადგინეს: 1. დაევალოს მუნიციპალიტეტის მერიას ფრაქციის „ქართული ოცნება-დემოკრატიული საქართველო“ მიერ შემუშავებული ინიციატივების განხორციელება.

2. ცნობად იქნეს მიღებული ფრაქციის „ქართული ოცნება-დემოკრატიული საქართველო“ თავმჯდომარის მოადგილის ბესიკ ქოჩიშვილის შვებულება 2018 წლის 16 აპრილიდან 20 აპრილის ჩათვლით.

ზ.მუსაევმა ისაუბრა იმის თაობაზე, რომ საინფორმაციო საშუალებებმა წინა საკრებულოს სხდომაზე მისი გამოსვლა არასრულად და დამახინჯებული ფორმით გააშუქეს. მან მოუწოდა საინფორმაციო საშუალებების წარმოადგენლებს, რომ ინფორმაცია გაავრცელონ სრული ფორმით და არ მოხდეს ვიდეო გამოსვლების ფრაგმენტების დაჭრა ისე, რომ გაკეთებული განცხადებების შინაარსი შეიცვალოს.

ლ.მენტეშაშვილმა გააკეთა განცხადება იმის თაობაზე, რომ სოფელ რუისპირისთვის განსაზღვრული თანხა, სხვა მიმართულებით იქნა გათვალისწინებული იმიტომ, რომ ეს არის შეგნებულად დასჯის მაგალითი იმისათვის, რომ სოფელ რუისპირის დეპუტატია ოპოზიციური პარტიიდან. მან ასევე აღნიშნა, რომ სოფელ ფშაველაში გაზიფიცირება ვერ მოხდა მხოლოდ ერთ ოჯახში, იმიტომ, რომ აღნიშნულ ოჯახში ცხოვრობს „ევროპული საქართველო“-ს მხარდამჭერი ელიკო მეტრეველი.

მოქ.ელიკო მეტრეველმა ისაუბრა მისი პრობლემის შესახებ და აღნიშნა, რომ პროექტი ჯერ დასრულებული არ არის, მაგრამ როგორც მისთვის ცნობილია, მისი სახლი გაზიფიცირების გეგმაში არ შედის.

თავმჯდომარემ კვლავ მოუწოდა ლ.მენტეშაშვილს ცრუ ინფორმაციის გავრცელებისა და პოლიტიკური განცხადებების გაკეთებისაგან თავის შეკავებისკენ და სოფელ ფშაველის დეპუტატს დაავალა, დაინტერესდეს გაზიფიცირების საკითხით და გარკვეული იქნას, თუ რატომ არ მოხდა აღნიშნულ ოჯახში გაზიფიცირება.

საკრებულოს წევრმა ი.პარწიკანაშვილმა დააყენა ინიციატივა სოფელ აკურაში რადარების განთავსების შესახებ. მან აღნიშნა, რომ სოფელში ფუნქციონირებდა სისწრაფის შემზღუდველი ბორცვები, მაგრამ ისინი დაზიანებულია და ავტოსატრანსპორტო საშუალებების სისწრაფის გამო საფრთხე ექმნება მოსახლეობას. მან მოუწოდა საკრებულოს წევრებს, რომ შესაბამისი სამსახურების მიერ შესწავლილი იქნას პრობლემური ადგილები და განთავდეს რადარები, რადგან პრაქტიკიდან გამომდინარე რადარები საკმაოდ ეფექტურად მუშაობს.

